

Mokgwa wa ho ingodisetsa lekgetho

Ho na le mekgwa e e tshelela ya ho ingodisetsa lekgetho:

1. Dingodiso tsa othomathike tsa Lekgetho la Lekenno la Motho:

Ha o ingodisetsa SARS eFiling lekgetlo la pele mme o so ka o ba le nomoro ya hao ya referense ya lekgetho, SARS e tla o ngodisa hanghang ka tsela ya othomathike mme e o nehe nomoro ya referense ya lekgetho. O tlameha ho ba le ID ya makgonthe ya Afrika Borwa ho ingodisetsa eFiling

Ho ingodisetsa eFiling:

1. Tobetsa ho [Register](#)
2. Latela ditataiso

O ka boela wa ingodisetsa SARS eFiling ho SARS MobiApp ka ho latela yona mehato eo.

Ebang o hloka thuso ya ho ingodisetsa eFiling, boha video ya rona e mabapi le boithuto ba sena kanaleng ya SARS YouTube ka ho tobetsa setshwantsho se ka tlase.



2. Ingodise ho SARS Online Query System (SOQS)

O ka ingodisetsa Lekgetho la Lekenno la Motho ka ho tlatsa kopo ya ngodiso ho [SARS Online Query System \(SOQS\)](#).

3. Ingodise ka ho sebedisa ditshebeletso tsa SARS USSD

Kanale ya SARS USSD e dumella basebedisi ho fihlella ditshebeletso tsa SARS ka ho letsetsa khoutu ya tshebeletso. Ka ho letsetsa *134*7277#, basebedisi ba tla fuwa lenane la ditho tse menyung hore ba ikgethele, tsena di akaretsa ngodiso ya Lekgetho la Lekenno la Motho (PIT). Ho fumana lesedi le fateng lena etela [SARS Mobile Tax Services](#).

4. Ingodise ka tshebediso ya WhatsApp

Ho qala puisano, balefalekgetho ba lokela ho romela SMS e reng, “Hi kapa Hello”. SARS e tla araba ka tlhaloso ya hore ke ditshebeletso dife tseo e fanang ka tsona, ho akareditswe le boingodiso ba Lekgetho la Lekenno la Motho (PIT) mmoho le menyu wa ho kopa tshebeletso.

Ho buisana le SARS ka WhatsApp:

- Selfounung ya hao: boloka nomoro ya SARS ya WhatsApp, 0800 11 7277, hore e be lenaneng la hao la baikopanyi;
- Ho tswa deskthopong ya hao: [Tobetsa mona ho kgaakola SARS WhatsApp e sebsang deskthopong](#) mme o latele ditataisi.

Ho fumana lesedi le fetang lena, etela [SARS Mobile Tax Services](#).

5. Ingodise ka thuso ya mongamosebetsi wa hao ka SARS eFiling

Kopa mongamosebetsi wa hao ho o ngodisa le SARS. eFiling e dumella beng ba mesebetsi ho ngodisa basebetsi ba bona le SARS bakeng sa Lekgetho la Lekenno. Sheba [Tataiso e mabapi le ditshebeletso tsa dipaltlisiso tse mabapi le nomoro ya referense ya lekgetho \(Tax Reference Number \(TRN\) Enquiry Services\)](#) ho eFiling.

6. Ingodise lekaleng la SARS

O ka etela lekala la SARS, moo moeletsisi wa tshebeletso a tlang ho o thusa ho ingodisetsa lekgetho. [Tobetsa mona ho fumana lekala la hao le haufi la SARS](#).

Hlokomela: Ha o etela lekala, hopola ho tla le [ditokomane tsohle tsa tshehetso](#).

Na o na le qeaeqeo ya hore o ngodisitswe kapa tjhe?

Ho fumana hore na o ngodiseditse Lekgetho la Lekenno kapa tjhe, kopa Mongamosebetsi wa hao, ho sebedisa [SARS Online Query System](#) (kgetha “What’s my tax number?” jwalo ka mofuta wa potso ya hao), sebedisa tshebeletso ya SARS WhatsApp kapa o letsetse SARS Contact Centre ho 0800 00 7277.

Seo o lokelang ho se tseba: SARS e keke ya nehelana ka [nomoro ya hao ya lekgetho](#) mothong ofe kapa ofe, ntle feela ebang motho eo ke setsebi sa hao sa lekgetho kapa motho ya nang le Matla a Moemedi wa Molao (POA) ho ka shebana le merero ya hao ya lekgetho.

Kopa Tsebisano ya hao ya Ngodiso (IT150)

A Notice of Registration (IT150) – sena se tla hlalisa nomoro ya hao ya referense ya lekgetho. O ka kopa tsebisano ya ngodiso ka tsela ya boikgethelo bofe kapa bofe bo latelang:

- **Re romelle potso.** Dintlha tsa hao di lokela ho tsamaisana le direkoto tsa rona.
- Romella SARS **WhatsApp** ho kopa Nomoro ya hao ya Referense ya Lekgetho. Ho qala puisano, balefalekgetho ba lokela ho romela SMS e reng, “Hi kapa Hello” ho 0800 11 7277. SARS e tla araba ka tlhaloso ya hore ke ditshebeletso dife tseo e

fanang ka tsona mmoho le menyu wa ho kopa tshebeletso. Ho fumana lesedi le fetang mona, [boha dintlha mona](#).

- Romela **SMS** ho SARS ho 47277 ho tswa selfounung ya hao. Tlanya *TRN* (Space) mme e latelwe ke nomoro ya ID /nomoro ya phasepoto/ nomoro ya bophaphathehi.
- Kopa tsebiso ya hao ya ngodiso tshebeletsong ya SARS **USSD** ka ho letsetsa *134*7277# le ho kgetha “What’s my Tax number?”. SARS e tla o romella nomoro ya hao ya lekgetho selfounung ya hao le ho o romella imeile ya tsebsiso ya ngodiso atereseng ya imeile e direkotong tsa rona.
- Kopa tsebiso ya ngodiso ya hao ka SARS **MobiApp** ebang o ingodisitse ho ba mosebedisi wa eFile.
- Sebedisa **eFiling** ho kopa IT150 ka ho kgetha “SARS Registered Details” boikgethelong ba menyu.
- Botsa **Lwazi ChatBot** e fumanehang ho eFiling kapa ho SARS MobiApp.
 - Tobetsa hodima Chatbot mme o tlanye “Hello”
 - Tlanya “Menu”
 - Chatbot e tla o neha ditshebeletso tse mabapi le Lekgetho la Lekenno la Motho:
 1. Kopa Nomoro ya Referense ya Lekgetho la Lekenno
 2. Kopa Seteitemente sa Akhaonto
 3. Kopa Maemo a Pusetso ya Kgutliso
 4. Kopa Maemo a Oditi
 5. Kopa Tsebiso ya Hlahlobo
 6. Kopa ho letsetswa (SARS to Call back)
 - Thetsa boikgethelo ba 1 menyung ka ho tlanya “1”
 - Lwazi e tla nnetefatsa lesedi la hao ka ho o kopa:
 1. Nomoro ya hao ya ID/phasepoto
 2. Nomoro ya hao ya selfounu kapa imeile
 - Hang feela ka mora hore SARS e nnetefatse dintlha tsa hao, Lwazi e tla nnetefatsa hore Tsebiso ya hao ya Ngodiso (IT150) e entswe ka katleho mme o tla e romellwa ka imeile.
- Etela [lekala la SARS](#). Hopola ho etsa [kopo ya kopano](#) pele o etela lekala.

Haesale ho tloha ka Phupu 2022, SARS e ngodisa batho ba itseng ka tsela ya othomathike ho itshetlehlilwe hodima lesedi le tswang ho mekga ya boraro. Batho ba ngodisitsweng ka tsela ya othomathike ba tla fumana SMS le lengolo tse tswang ho SARS ho ba tsebisa ka ngodiso ena ya bona. Lengolo lena le boela le hlalosa tsela ya ho fihlella ditshebeletso tsa SARS le ho bolela ditokelo le boitlamo ba bona.